

Lenzburg, ils 21-10-2025

COMMUNICAZIUN A LAS MEDIAS

La nova ediziun 2025/2026 da LINGUISSIMO è lantschada!

La pli nova ediziun da la concorrenza da scriver [LINGUISSIMO](https://www.linguissimo.ch) è lantschada! Gia per la 18avla giada envida il [Forum Helveticum](https://www.forumhelveticum.ch) giuvenils tranter 16 e 21 onns da l'entira Svizra da sa participar a l'occurrenza plurilingua. Il tema da quest onn: «[Chattar ina via](#)»

Per pudair participar a la concorrenza scrivan ils giuvenils **dus texts**, mintgin en in'atra lingua naziunala. En l'emprim text vai per il tema «[Chattar ina via](#)». Sche las scholaras ed ils scholars vulan, pon els sa referir ad in lieu spezial en Svizra. Alura vegn lur text eventualmain publitgà sin la [charta interactiva](#) da la concorrenza. Lubì è tut: ficziun, descripziun, poesia ... Il segund text pli curt tracta d'ina experientscha persunala cun linguas estras u cun la plurilinguitad.

Las auturas ed ils auturs da las 30 contribuziuns las pli creativas pon participar al **final** che ha lieu questa giada a **Burgdorf** ed è deditgà al tema «**Scriver engaschè: fa udir tia vusch!**». Il final metta en il center l'inscunter ed il barat linguistic: las participantas ed ils participants scrivan – ensemen cun in giuvenil d'ina altra regiun linguistica e cun agid dad auturas ed auturs da tut las quatter regiuns linguisticas – ina curta istorgia ch'els preschentan silsunter a la giuria ed a las autras participantas ed als auters participants. Ils trais megliers tandems gudognan bons da cumpra en la valur totala da CHF 1'800 per differentas butias e/u entradas en ils pli bels museums da la Svizra.

- Annunzias: www.linguissimo.ch
- Ultim termin d'annunzia: **31 da schaner 2026**
- Ultim termin per inoltrar contribuziuns: **15 da favrer 2026**

[LINGUISSIMO](#) vegn organisà dapi il 2008 dal [Forum Helveticum](https://www.forumhelveticum.ch), l'organisaziun per chapientscha linguistica e culturala en Svizra. Tut las infurmaziuns davart la participaziun chatt'ins sin www.linguissimo.ch en tut las quatter linguas naziunalas.

Contact per las medias:

Marine Borel, manadra da project, Forum Helveticum, info@linguissimo.ch
Colliaziun per las medias: <http://linguissimo.ch/ch/medias-2>